

Informacije za roditelje

1. Stomatološki pregled i tretman kariеса u vrtiću i u školi

- 1.1 Djeca su obavezna da jednom godišnje obave redovan stomatološki pregled. Pregled je besplatan, ukoliko ga obavlja zubar/-ka imenovan/-a od strane školske komisije.
- 1.2 Detalje vezane za eventualno nužni tretman, te njegovu približnu cijenu, roditelji će naći na poleđini karte (stranica 4). Ako su potrebni dodatni radovi, roditelji moraju računati s poskupljenjem. Ako trošak prekorači prethodnu procjenu, zubar/-ka obavijesti roditelje o tome.
- 1.3 Zubar/-ka je dužna/dužan tretirati djecu u skladu s propisanim tarifama školske zubne njege Švicarskog Udruženja zubarki/zubara SSO. Cijene se izračunavaju po takozvanim «tax-bodovima». Vrijednost takvog boda definira kantonalna vlada (Regierungsrat).
- 1.4 Ukoliko roditelji nisu u prilici platiti zubarski račun, općine pripomažu do određene mjere, a u skladu s odlukom dotične općinske komisije. Ukoliko želite podnijeti odgovarajući zahtjev, ispunite kolonu 4 (na stranici 3).
- 1.5 Roditelji su obavezni osigurati da djeca stižu na vrijeme kod zubarke/zubara. Ukoliko dijete ne može da se pojavi zbog bolesti ili drugih razloga, roditelji su dužni da obavijeste zubarku/zubara najkasnije dan prije pregleda. Izostanci bez obrazloženja se obračunavaju po tarifi.

2. Čeljusna ortopedija (korekcije vilice)

Za tretman nepravilnih vilica postoji u okviru školske zubne njege poseban propis.

3. Profilaksa fluorida u školi

- 3.1 Razredna učiteljica/razredni učitelj podučava djecu u školi o zubnoj njezi. U praktičnom dijelu dijete četkicom za zube nanosi svaka dva mjeseca koncentrat fluorida što ga određuje uprava za odgoj i obrazovanje po preporuci stručnjaka. Ovaj proizvod pojačava otpornost površine zuba prema kiselinama koje nastaju prilikom konzumacije šećera. Dnevna upotreba jedne paste za zube s fluoridom, a i korištenje soli s jodom i s fluoridom u kući te spomenuti koncentrat u školi se nadopunjavaju idealno. Pogotovo zahvaljujući toj kombinaciji, karies je kod školaraca u posljednjim godinama značajno rjeđi. Vanjska primjena fluorida u školi ne dovodi nikako prevelikoj dozi fluorida u organizmu.
- 3.2 Po dekretu Kantonalnog velesavjeta, za mjere preventivno-stomatološke prirode – korištenje fluorida spada pod kategoriju mjera za koje je nužno odobrenje roditelja. Potpisom na ovoj kartici (stranica 2) možete dati vašu saglasnost.
- 3.3 U vrtiću koncentrat fluorida se ne primjenjuje. Djeca peru zube po uputama učiteljice običnom pastom za zube koja sadrži fluore.